



VICTORY HMONG ALLIANCE CHURCH

“Be imitators of Christ living together in victory” – 1 Cor. 11:1; 15:57-58.

TSAB NTAWV TSHAJXO (NEWSLETTER)

September 2020 issue



LUS NOJ QAB NYOB ZOO LOS NTAWM THAWJ XIBHWB

Xh. Tswv Tub Vwj

Nyob zoo cov ntseeg sawvdaws!

Kuv ntseeg thiab cia siab tias nej txhua tus yuav ntsib kev noj qab nyob zoo rau ntawm peb tus Tswv Yexus. Twb tau li 7 lub hlis los no lawm peb kuj tsis tau sib ntsib, mas nco nej sawdaws kawg li. Hais qhia rau sawdaws paub tias peb cov tsavxwm yeej nco ntsoov thov Vajtswv rau nej txhua tus. Peb kev ua neej nyob rau lub sijhawm no yeej tsis yoojyim, tiamsis txawm li ntawd los sawdaws yeej meem rau siab cog kev ntseeg rau ntawm Vajtswv kom ruaj. Cia Vajtswv tiv thaiv thiab foom koobhmoov rau nej txhua tus.



GREETINGS FROM

Xh. Isaiah Thoj

Dear Victory Hmong Alliance Church Families,

This year has most certainly been a difficult year for God’s church all around the world because of COVID19. Although the enemy may use many things to weaken the church, we have faith that our God who is faithful will use this situation for His own glory. Thank you for being patient with me as we continue to try to figure out how to approach Youth and Worship ministries from a different angle.

We have been having virtual Friday Nights these past few months, but due to the low attendance we will be exploring other options. Not too long ago we sent out a survey to the Youth and parents to help our board have a broader perspective on how to handle Friday Nights. As of right now we will go with pre-recordings and ask that you all may continue to pray that God may grant us wisdom as we approach the end of this year. I want to thank everyone who has given us feedbacks and those who have been praying for us. May we all continue to work together for the purpose of God’s Kingdom. God bless each one of you and your families.

602 Acewood Blvd, Madison, WI 53714 * (608) 224-1646 * www.victoryhmong.org

Senior Pastor: Xh. Chue Tou Vue

Associate Pastor: Xh. Isaiah Thor

Mathais
28:20b

“Kuv
yeej
yuav
nrog
nraim
nej mus
txog
hnuv
uas lub
ntiajteb
no
kawg.”



TXOJLUS TXHAWBZOG:

Teebmeem thiab kev nyuaj nyob lub ntiajteb no yeej tsis yog ib yam tshiab rau peb noobneej. Txij thaum Adas thiab Evas nkawd tsis mloog Vajtswv lus ua rau peb noobneej poob mus rau kev txhaum lawm; txij hnuv ntawd los ces kev nyuaj siab, kev khwv, teebmeem, thiab vijsub vijsw yeej raug peb noobneej los txog hnuv no. Thiab tseem yuav muaj mus txog rau hnuv ntiajteb kawg. Vajntxwv Xalaumoos sau rau ntawm **Tej Lus Qhia 1:9** hais tias, *“Tej xwmtxheej uas twb tshwm tas los lawm, los kuj yog tej uas tseem yuav tshwm tuaj dua. Tej uas twb ua tas los lawm, los kuj yog tej uas tseem yuav ua dua thiab. Yeej tsis muaj ib yam dabtsi uas yog yam tshiab nyob hauv qabntuj no li.”* Tseeb tiag! Qhov kabmob Coronavirus peb raug rau lub sijhawm no yeej yog tej kabmob uas lub ntiajteb no yeej muaj. Yavtas los, nws muaj nws ib yam kabmob, tiamsis tej ntawd twb dhau tas lawm. Txawm peb raug qhov kabmob li hnuv no thoob ntiajteb los tsis yog ib yam tshiab. Vajtswv Txojlus yeej qhia meej hais tias tsis muaj ib yam tshiab hauv lub qab ntuj no yog yam peb tibneeg yeej tsis tau raug dua. Yog li kom peb txhob ceeb thiab txhob tag kev cia siab. Qhov loj peb twb muaj Vajtswv ua peb tus Tswv. Nws tuav txhua yam rau hauv nws lub xibteg. Nws yog tus muaj hwjchim pab tau peb. Vajtswv yog peb tus Tswv yug Yaj thiab peb yog Nws cov yaj. Nws yuav coj peb txhua lub sijhawm. Nyob rau ntawm **Phau Ntawv Nkauj 23:1-4** hais tias, *“Tus Tswv yog tus tso mkwm kuv, kuv muaj txhua yam txaus. Nws cia kuv so hauv lub tshav uas muaj zaub mos nyoos ntsuab xiab thiab coj kuv mus rau ntawm lub pasdej ntshiab uas nyob ntsiag to. Nws txhawb kuv lub zog. Nws coj kuv taug txojkev ncajnrees raws li Nws tau coglus tseg. Tus Tswv, txawm yog kuv taug txojkev uas tsaus ntuj nti los kuv tsis ntshai dabtsi, rau qhov Koj nrog nraim kuv. Koj tus pas thiab tus cwjnrig tso mkwm kuv.”*

Cov phoojywg! Cia peb vamkhom Vajtswv uas yog peb tus Tswv Yug Yaj. Nws yog tus yuav muab tau kev so thiab kev txhawbzog rau peb lub sijhawm uas peb nyob rau qhov kev kabmob kis ntiajteb no. Nws yog tus yuav tivthaiv thiab pab tau peb thaum lub ntiajteb no tsaus ntuj nti.

Nws yog tus yuav coj peb mus rau qhov zoo tshajplaws. Qhov kabmob no yeej yuav dhau mus ib hnuv xwb.

Ib yam li tus pojqaib puag nws cov menyuam rau hauv nws ob sabbatis thaum muaj dav yuj yuj sau nruabntug yuav los tom nws cov menyuam, tus pojqaib yeej txaus siab muab nws txojksia tivthaiv nws cov menyuam qaib. Vajtswv yog peb leejtxiv uas muaj hwjchim puvntoob yuav tivthaiv peb.

Hnuv no koj cia li tso siab rau Vajtswv. Muab koj tej kev txhawj thiab tej kev nyuaj siab tso rau Vajtswv. Nws yog koj lub ntsayeej tivthaiv. Nws yog koj qhov chaw vamkhom. Nws yeej tsis tso koj tseg ib zaug li. Vajtswv cog lus rau koj thiab rau kuv rau ntawm Henplais 13:5b hais tias, *“Kuv yuav tsis tso koj tseg lossis kuv yuav tsis muab koj povtseg ib zaug li.”* Qhov no yog peb txojkev cia siab. Peb tsis ntshai thiab peb muaj peevxwm ua neej mus ntxiv rau yav tomntej. Cia Vajtswv ua koj lub hauvpaus thiab tus coj koj txhua hnuv.

Mathais
28:20b

“Kuv
yeej
yuav
nrog
nraim
nej mus
txog
hnuv
uas lub
ntiajteb
no
kawg.”

602 Acewood Blvd, Madison, WI 53714 * (608) 224-1646 * www.victoryhmong.org

Senior Pastor: Xh. Chue Tou Vue

Associate Pastor: Xh. Isaiah Thor



LUS TSHAJXO:

Muaj ob peb yam kuv xav muab qhia rau nej li no:

1. Lub Rooj Tsavxwm tau sibtham rau thaum lub 9 hlis, tim 14 tas los no; tau pom zoo yuav rov qhib kev pehawm rau ntawm tuamtsev rau lub 1 hlis, tim 3, xyoo 2021. Vim nomtsww tsuas pub li 50 leej tuaj txoos uake xwb, yog li peb yuav tso cai txog 50 leej tuaj pehawm ua ntej xwb. Yog txog thaum ntawd, nomtsww tso cai tshaj 50 leej lawm, lub Rooj Tsavxwm mam rov hais rau sawvdaws paub.
2. Pawgntseeg lub rooj txhawb kev Xa Moo Zoo (Mission Conference) yuav muaj nyob rau lub 11 hlis, tim 1 xyoo no, thaum 1pm-2:30pm rau tim tuamtsev. Lub Rooj Tsavxwm tau qhib thiab tso cai rau cov ntseeg tuaj koom rau hnuv ntawd. Tiamsis tsuas pub txog 50 leej tuaj xwb, yog nej leejtwg xav tuaj koom no thov hais rau N. Kl. Xeev Pov Hawj paub lossis rau kuv paub, es peb thiaj paub npaj rau sawvdaws. Tus xibhwb yuav tuaj yog Kx. Nkaj Ceeb Hawj.
3. Thov qhia rau nej sawvdaws paub hais tias peb qhov nyiaj ua Vajtsww haujlwm hauv pawgntseeg tau tu zuj zus txhua lub hlis pib thaum lub 4 hlis los lawm. Lub 8 hli tas los no, cov nyiaj sawvdaws tso tuaj ua Vajtsww haujlwm tsuas tau \$8,335.42 xwb. Qhov siv tawm yog \$8,377.53. Qhov siv tawm yog tshaj lawm li \$42.11 (under). Lub 7 hli ntawd, peb tu ntau tshaj lub 8 hli. Yog li thov nqua hu sawvdaws kom nco ntsoov xa nej qhov nyiaj ib feem kaum tuaj pab rau kev ua Vajtsww haujlwm.
4. Ua tsaug ua nej ibtxhia nco ntsoov koom kev pehawm Vajtsww txhua lub Sunday hauv Livestream. Tiamsis raws li tau sojntsuam, yeej tsis muaj coob tus koom, yog li caw nej sawvdaws los saib thiab koom kev pehawm Vajtsww lub sijhawm ntawd. Lub sijhawm yog 1pm-2:30pm txhua hnuv Sunday. Qhov youtube channel yog Victory Hmong WI. Yog nej tsis paub mus rau no hais tuaj rau kuv lossis Paj Hnuv Hawj.

THOV VAJTSWW RAU:



1. Thov Vajtsww rau peb pawgntseeg lub rooj Xa Moo Zoo uas yuav los rau thaum lub 11 hlis, tim 1 no.
2. Thov Vajtsww rau peb kev yuav rov qhib kev pehawm Vajtsww rau ntawm tuamtsev thaum lub 1 hlis, tim 3, xyoo 2021.
3. Thov Vajtsww pab rau sawvdaws kom nyob ze Vajtsww thiab ntsib kev noj qab nyob zoo.
4. Thov Vajtsww pab kom qhov kabmob COVID-19 no dhau mus zuj zus.
5. Thov Vajtsww pab sawvdaws kom muaj haujlwm ua es thiaj muaj muab ib feem kaum rau Vajtsww haujlwm.
6. Thov rau cov thawj coj kev ua Vajtsww haujlwm lub sijhawm no. Yeej nyuaj rau kev khiav Vajtsww haujlwm; tiamsis txawm li ntawd los kom yam yuav cheemtsuam tau ua, yam ntawd tiav.
7. Thov Vajtsww pab rau Hauvpaus Kooshaum Hmoob lub rooj sablaj txwm xyoo uas yuav muaj rau thaum lub 11 hlis, tim 13-15.

Mathais
28:20b

“Kuv
yeej
yuav
nrog
nraim
nej mus
txog
hnuv
uas lub
ntiaj teb
no
kawg.”

602 Acewood Blvd, Madison, WI 53714 * (608) 224-1646 * www.victoryhmong.org

Senior Pastor: Xh. Chue Tou Vue

Associate Pastor: Xh. Isaiah Thor